

А. ГЕРМАНО и О. ПАНКОВО

# СЕРЁГА ЛАГУНО

---

ТЭРНЫ ГВАРДИЯ — 1933

ORIGINAL OF 1847

ORIGINAL OF 1847

1847 - 1848

А. ГЕРМАНО и О. ПАНКОВО

# СЕРЁГА ЛАГУНО

ШОВ ПАТРИНЯ

Г.П.Б. в Лнгр.

Ц. 1933 г.

Арт №

206

Тэрны Гвардия  
Москва

1933

Инв. №

№

145

Мануша, савэ кхэлна.

ЛАГУНО, СЕРЁГА.

ША: О.

ВАНО.

ПАША.

НЮНЯ.

КАТЯ.

} чяворэ.

} чяёрья.

МОТРЕ. — тыкны фэлдытко чяёри.

ГЛОС гасатыр.

## ПАТРИН ПЭРВО

Дрэ школа. Фэнштра прэ гаса. Дуй парты, палэ савэ екх пашыл екхэстэ бэшлэ чяворэ. Ангил лэндэ тэрдо Лагуно дэстореса, лыджяла багнбэ. Чяворэ багана.

Шаро (*багала*). Заводы уштэнте! О ряды скэдэнте!  
Васта зоралэ прэ хуляндэ газдэнте!  
Дыкхэн карэдын, сы адай ли сарэ,

Сарэ (*дуй молы*). Уштэнте, бутитка, джян дро марибэ.

Нюня (*багала*). Дурал тэлэ стрэга бутярья бэшэна.  
Сарэ тасадэ сыр екх ванта уштэна,  
Фашыстско тэроро нанэ дарано.

Сарэ (*дуй молы*). Парно розмараса, авэла лоло.

Шаро (*багала*). Джян ко Коминтэрно, уштэн зоралэнца,

Бутитка сарэ джян тэрдён советэнца.

Про фронто лоло, марибнытка амэ.

Сарэ (*дуй молы*). Бутитка про фронто дрэван зоралэ.

Нюня (*багала*). Сы зор ленинизмо-ёв дром сыкавэла,  
Ёв про капитало сарэн бичявэла.  
Дуй класы сгынэпэ, адай марибэ.

Сарэ (*дуй молы*). Советско союзо-сы задэибэ.

Шаро и Нюня (*багана*). Заводы уштэнте, о ряды  
скэдэнте!

Васта зоралэ прэ хуландэ газдэнте,  
Дыххэн карэдын сы адай ли сарэ.

Сарэ (*багана*). Уштэнте, бутитка, джян дро марибэ.

Чяворэ сбагандлэ шукар и засандлэнэ.

Катя (*Кэ Лагуно*). Нэ сыр? Шукар сбагандям?

Лагуно. Шукир! Только тумэ на дэн годла, а баган...

Шаро (*выпрастала портатыр кэ Лагуно*). Лагуно  
ту на дар, амэ тут на подлыджяса.

Лагуно — Шукир, шукир!..

Шаро — Пэрво маё амэндэ проджяла сыр николи.

Катя (*Шароскэ*). Ту инке на шарпэ. Подыххаса инке,  
сыр ту прогинэса.

Шаро (*Катякэ*). Ту думинэса, со мэ на высклякир-  
дём стихи. Лагуно дэ мэ прогинава.

Лагуно. Потэрдёв, потэрдёв!.. Стихи амэ инке тэ гинас.  
ласа.

Шаро. Катя на патяла. Лагуно, нэ дэ мэ прогинава.

Чяворэ. Лагуно, мэк ёв прогинэла.

— Камэл тэ пошарэлпэ.

— Нэ, ракир! Шаро, ракир...

Лагуно — Чавалэ, трэби инке гилы тэ сбагас.

Вано. (*ракирла на шукар на доракирла лава*). Мэк!..  
Прогинэла... Шаро...

Лагуно. Нэ шукир! (*Шароскэ*). Только на мар пэс  
пиро колын, коли лэса тэ ракирэс.



Шаро (*радаса подпастала кэ авансцена, тэрдэла мусса кэ мануша*).

Нюня. Ту накх выххос, а то лэса отэнчя ангил ману шэндэ тэ кхосэс.

Шаро. Мэ би тыро джином. Со ту мангэ ракирэса. (*Вытырдэла кысыкатыр дыкхло и выкхосэла накх*).

Мэ прогинава палэ Лолы Армия.

Чяворэ. Нэ гин, со амэ тут ласа тэ дужакирас.

Шаро (*шыбкэс ракирла*).

Советско Армия Лолы

Прэ стрэга зоралэс тэрдэ.

Дурал ёй ворогос дыкхэла,

Миштэс Советы ёй ракхэла

Прэ рой паны тэ тасавэл

Амэн буржуё са камэл.

Советы лэскэ сыр чюри

Дрэ пашваро запусады.

Капиталисты, сыр бырля.

Ухтэна, кэрна арманя,

И сыр ни сыр амэн камэн

Тэ розмарэн, тэ тасавэн.

Нэ Лолы Армия джинэла,

Со капиталo думинэла.

Ёй зорало отпоро дэла,

Нэ ворогос на домэкэла.

Адыкэ армия пхэндя,

Коли ваш марибэ шундя:

„Врогэн амэ на домэкаса,

Советы са-ж зашшитинаса“.

Чяворэ (*марна дро васта*).

Шаро. Нэ сыр, шукир? (*Кэ Катя*). А ту ракирэса, со  
мэ на джином...

Лагуно. Окэ мэ на камам, коли ту шарэсапэ. Ту  
дужакир, коли чявэ пошарна.

Шаро. Камэн мэ инке прогинава стихи.

Вано (*заикинэпэ*). Авэлэ тукэ тэ шарэспэ... (*Кэ Ла-  
гуно*). А состыр мэ на могискирава стихи тэ гинав...

Лагуно. Чявалэ, подужакирэнте стихэнца.

Чяворэ. Бэш, Вано, бэш!..

— Потэрдёв, лэса и ту тэ ракирэс...

Лагуно (*марла дэсторэса пиро парта*). На дэн го-  
дла! Выджянте адарик сарэ... Тэрдэнте екх пашыл  
екхэстэ. (*Утховэла чяворэн дрэ екх линия, муеса  
кэ мануша*).

Вано. Сбагаса гилы „Саструнэ резервэнца“.

Лагуно. Кокоро джином, со треби тэ багас. Цыцэн!..  
Кате, забага „Пало бэрги дурипнастыр“. Нэ, баган!..  
(*Тэрдёла дрэ рядом*).

Катя (*багала*). Пало бэрги, дурипнастыр... Э — эх!  
Пир пхувья сарэ.

Сарэ (*дуй молы*). Мэк багана и кхэлэна  
Вашо марибэ.

Вано (*багала*). Трэби сыго тэ мараспэ... Э — эх!  
Сыр дрэ бишто бэрш.

Сарэ (*дуй молы*). Джяла прэ Советско стропа  
Тагаритко муш.

Катя (*багала*). Бидромитко фрэнто джяла... Э — эх  
Карэдын дрэ васт.



Сарэ (дуй молы). Висунгэла пиро фэлды  
Манушытко мас.

Вано (багала). Бут мардымпэ барвалэнца... Э — эх!  
Бут дыкхьям вругэн.

Сарэ (дуй молы). Акана амэ страдаса  
Фрэнто манушэн.

Катя (багала). Зоралэс амэ мардымпэ... Э — эх!  
Пало пэскри власть.

Сарэ (дуй молы). Розкэдлэапэ вругэнца  
Бутяритко васт.

Вано и Катя (дагана). Шун, трубачё кхэлла... Э — эх!  
Вашо марибэ

Сарэ (дуй молы). Пало бэрги, дурипнастыр  
Пир пхувья сарэ.

Чяворэ (радаса подухтэна). Окэ шукир сбагандям.  
— Само лачи гылы.

Кон — то застукиндя дрэ фэнштра и закостяпэ грубонэ глосяса.  
„Нэ бэнгано шэро. Кай ёв хасия?“ Чяворэ прастана кэ фэнштра,  
выдыкхэна прэ гаса. Только Лагуно ачьяпэ прэ штэто, змэкья  
шэро, вастэндыр выпыя дэсторо.

Глос (гасатыр). Кай Серёга миро? Кай ёв хасия?

Катя (Лагуноскэ). Дад тыро авья... Джа, кхарла!

Глос. Со лэс бэчга подухтылна?

Чяворэ. Ту со кошэсапэ, како? Амэ сыклякираса  
гиля кэ Пэрво Маё.

— Ласа дрэ школа прэ бельвель тэ багас.

— Како, яв адарик, пошунэса сыр амэ багаса

Глос. Соб тумэн бэнга сханэ тумарэ гиленца.  
Тумарэ гиля энакэ адай прэ мэн бэшлэ...

Чяворэ. Какò Лагуно, на холясов!..

— Амэн дрэ школа лаче рэндоскэ сыклякирна.

Глос. Тэ хасёл тумаро рэндо. А кай Серёга?

Кхарэн лэс! А то умарава лэс..

Вано. Серёга, джя! Джя тут кхарла.

Катя (*Кэ Лагуно*). Нэ и холямо тыро дад.

Шаро. Со ёв припхандяпэ кэ ту..

Лагуно (*джяла змэкнэ шэрэса кэ фэнштра. Сарэ лэскэ дэна дром и дыкхэна прэ лэстэ*).

Глос. Ту со гарадёса мандыр? Ту со хасиян адай?

Мэ тукэ со ракирдём. Джя сыгыдыр кхэрэ!..

Лагуно. Джява.. (*Отджяла фэнчратыр*).

Чяворэ (*Кэ Лагуно*). Со ёв холясола?

— Со ту кэрдян?

— Джя сыгыдыр, а то попэрла.

— Со кэрдяпэ?..

Лагуно. Нисо... На пучентел.. (*Екхатыр кэ Паша*). А нэ Пашэ, жыко ту рэндо догья. Высыклякирдян стихи?

Паша. Высыклякирдём.

Лагуно. Выджя и ракир. Ту со высыклякирдян?

Паша. Ваш комсомолкакэ.

Лагуно. Нэ ракир.

Паша. Бияндыя дрэ шатра,  
Дрэ фэлда бария,  
Дад парудя э грэнца,  
Дай пиро гав псирдя.  
И пашэ яг, э бельвэляса

Шутлага даса кэрадя.  
Уштя прэ атася кхамэса,  
Маро дро гав ёй скэдыя.  
Нэ акана ёй на скэдэла,  
И уж на псирла пиро гав  
Ёй про заводу буты кэрла,  
Одой латхья ёй пэскэ бахт.  
Ёй акана сы комсомолка,  
Сы про шэро дыкхло лоло,  
Кана дрэ ряды бутяритка,  
Ёй джяла пиро дром нэво.

Шаро. Шукир, Пашэ. Нэ и бельвель амэндэ авэла  
лачи...

Вано. (заикиныпэ). Окэ амэ сыкаваса пэскирэ дае-  
нгэ тэ дадэнгэ, савэ амэ мурша... Чячэ, Лагуно?..

Катя (трашанэс). Лагуно, джя кхэрэ. А то тукэ по-  
пэрла.

Лагуно — Джином, сыгэс джява. Чявалэ, а кон пла-  
каты кэрла?

Чяворэ. Мэ!..

— Мэ!..

— Мэ кэрава!..

— Мэ ужэ кэрдём?..

Лагуно. А савэ лава чиндлэ прэ плакаты?

Шаро. Мэ чиндём лолэ буквэнца „Пролетарии сарэ  
свэтостыр, скэдэнпэ кхэтанэ“.

Паша. А мэ вычиндём лолэ бумагатыр серпо тэ  
молото, приклеиндём Лениноскири патрин, а па-  
щыл чиндём: „Мэк дживэла I Маё бутитко свэнко“.

Вано. И мэ чиндём.

Лагуно. Галёв, плакаты сарэндэ авэна.

Чяворэ Авэна...

— Сарэ кэраса кэ агася.

Лагуно. Шукар! Амэ розублаваса лэн прэ сцэна.

Глос (*стукинэ дрэ фэништра*). Серёга, тэ хасёл тро шэро. Чюпны закамьян? Выджя сыгыдыр!..

Чяворэ. (*прастана кэ фэништра*). — Дад тыро.

— Лагуно джя, а то попэрла.

— Сыгыдыр джя!..

— (*дрэ фэништра*). Джяла ёв!..

— Со ту кошэсапэ, како?

Глос (*дэла годла*). Тэ розтрадэс тумари школи трэби!

Шэро пэскиро нашавэса адай. (*Кошэлапэ*). Тэ хасён тумэ!..

Лагуно (*ачьяпэ дрэ строна, кхарла кэ фэништра Шарос*). Шаро, яв адарик сыгыдыр.

Шаро (*подпрастала*). Со Серёга?

Чяворэ тэрдэ пашыл фэништра, дыкхэна прэ Лагуностэ, палсо кхардя ёв Шарос. Палэ фэништра шунэлапэ кошыбэ Лагуноскирэ дадэс.

Лагуно (*лыджяла Шарос дрэ строна, тихэс*). Шаро, атася трэби тэ прошунэс, кон высклякирдя стихи, а мэ на явава.

Шаро. Палсо ту на явэса?

Лагуно. Мангэ ладжяво палэ дадэстэ, палсо мэ на явава. Нэ ту ман на пуч. Коли мэ агася на явава, то ту залэпэ чявэнца.

Шаро. Серёга, пхэн состыр на явэса?

Лагуно. На пуч! (*Дэла гондя*). Маягэ дукхано тэ  
ракирав. (*Ко чягэ, гыздэлл ииро п:онерски васт*).  
Тэрдён прэ стрэга!

Чяворэ (*гыздэна васта*). Сам тэрдэ!

Лагуно (*сыго уджяла*).

Чяворэ (*чюрдэнапэ ко Шаро*) — Со ёв пхэндя тукэ?

Шаро (*длэнгэс на ракирла, дья гондя*). Нисо!..

Чяворэ дыкхэна екх прэ екхэстэ, на полэна.

## ПАТРИН ВТОРО

Палэ закэрдо занзвесэ, шунэлапэ гилы.

Катя (*багала*). Тэ марэн бут скэдынэпэ.  
Тэ марэн камнэ сарэ... Эх!

Сарэ (*дуй молы*). Нэ амэ дужакирдямцэ,  
На бэстям адякэ жэ.

Паша (*багала*). Китайцэндэ генералы  
Бут галёв сы зоралэ... Эх!

Сарэ (*дуй молы*). Прэ бутитка э кварталы  
Джяна, джяна дылынэ.

Катя (*багала*). „Большевиствско лав сыр блага  
Трэби тэ скхосэс саро“... Эх!

Сарэ (*дуй молы*). Ада рэндо сыс екхатыр  
Ваш сарэнгэ хасимэ.

Откэрлапэ занавесо. Гаса. Школакири порта. Упрэ порта чиндло:  
„Романы школа“. Прэ портакирэ прогицы бэшлэ и тэрдэ Нюня, Катя  
Паша, Ваню и ваврэ чяворэ. Дро васта плакаты и лылваря. Кое —  
кон отджяла и вдыххэлапэ: дужакирна Лагунос тэ Шарос. Занавесо,  
откэрлапэ, багана:

Катя (*багала*). Тэ марэн бут скэдынэпэ,  
Тэ марэн камнэ сарэ... Эх!

Сарэ (*дуй молю*). Нэ амэ дужакирдямпэ,  
На бэстям адыкэ жэ.

Паша (*багала*). Розмардям китайска стяны,  
Зоралэс пхэндям амэ... Эх!

Сарэ (*дуй молю*). Со э Чжяны — Сюэ — Ляны  
Сыго рэндо полыне.

Катя (*багала*). Зачиндям лыла рэндыхтка,  
Соб бутитко зор джиндлэ... Эх!

Сарэ (*дуй молю*). Сыкадыам амэ муршыткэс  
Дрэ китайско марибэ.

Паша (*багала*). Полыне Чжян-Сюэ-Ляны  
Амаро зор муршыпэ... Эх!

Сарэ (*дуй молю*). Яв, джидо сарэсвэтытко  
Бутярно камайбэ.

Катя (*багала*). Тэ марэн бут скэдынэпэ,  
Тэ марэн камнэ сарэ... Эх!

Сарэ (*дуй молю*). Нэ амэ дужакирдямпэ,  
Нэ амэ бэстям адыкэ жэ.

Шаро впрастала, отпрасала дрэ строны, ухтыллапэ палэ шэро  
Ваню. Окэ авьян! Длэнгэс ли амэ ласа тэ дужакирас.



Паша. А амэ би тумаро кэраса рэпетицыя.

Нюня. А Лагуно кай?

Катя. А инке пионеры?

Нюня. Ту со рикирэса шэро? Шэро дукхала со ли?

Паша. Со кэрдяпэ?

Вано. Тут кон мардя?

Нюня. Нэ ракир, со туса?

Катя. А кай Лагуно?

Нюша. Нэ ракир, ракир!

Шаро. (*пхарэс ракирла*). Чявалэ!. Амэнца на авэла  
бутыр Лагунос!..

Сарэ. Сыр?

— Со кэрдяпэ?

— Занасвалыя Серёга? Ракир, кай Лагуно?

— Трамваё затасадя?

— Кай ёв. Дрэ насвалыпнаскири?

— Со ту тэрдо хачькирдэ барэса? Ракир!..

— Розпхэн!..

Шаро. Пхаро мангэ тэ тэ ракирав. А банго уса амаро  
пхурано джиибэ...

Чяворэ лыджяна Шарос и тховэна тэ бэшэн прэ прогицы.

Сарэ. Ту бэш, бэш и ракир би годлакиро.

Шаро. Атася дыкхнэ дад лэскиро сыс адай?

Сарэ. Дыкхьям?

— Дыкхьям?

— Холямо сыс?

— Прэ амэндэ дья годла?

— Школа, ракирла на трэби амэйгэ?

Шаро. Аи, исы инке амэндэ адасавэ дада. Ёнэ камэн, со бы амэ джидям, сыр ёнэ. Саро джибэ прод-  
жиндлэ ёнэ дрэ бокх тэ шылалыпэ.

Паша. Миро дад прэ заводу бутякирла. Ударнико!..  
Ёв ракирла — тэ пропэрэл пхурано джибэ.

Нюня. Шукир, со тыро дад адасаво. А миро дад уса  
прэ тарго псирла. И уса кошэла ман, со мэ дрэ  
школа псирова...

Катя. Подужакирэнте, чавалэ! Заракирдэ... (Кэ Шаро)

Шаро, ту пхэн амэнгэ кай Лагуно? Состыр ёв на авья?

Паша. Атася прэ демонстрацыя тэ джяс, а амэ на  
подготовиндямпэ...

Вано. Ракир, дад со ли мардя Серёгас и на мэкэла дрэ  
школа?

Шаро (уштелэ). Чявалэ, акана Лагуно про фэлда.

Сарэ. Сыр прэ фэлда?

Шаро. Атася мэ дыкхьём, сыр ёнэ гынэ. Бэшло Ла-  
гуно прэ урдэн и ровэла. Сыр удыхья ман инке  
бутыр зарундя. Мэ камьём тэ поджяв кэ урдэн, а  
лэскиро дад чюпняса ман.

Нюня. Нэ тукэ удыяпэ тэ поракирэс Лагуноса?

Шаро. На, на удыяпэ.

Пашка. Коли бы мэ сомас Лагуно, мэ упраставас бы

Катя. Упрастаса. Уса екх дад закэдэлас бы.

Нюня. Чявалэ, нэ со акана тэ кэрас?

Шаро. (качинэ шэрэса). Со тэ кэрас? Нисо!..

Вано. Чявалэ! Лагуно авэла кэ амэ. Ев дромэстыр упрастала.

Катя. Вано, чячэ ракирла. Лагуно рисёла... Чявалэ кон амэндыр школатыр уджяла?

Сарэ. Никон.

Катя. Пало адава, со амэнгэ адай шукар. Фэдыр сыр кхэрэ. И Лагунос потырδέла кэ амэ.

Пашка. И мэ патява, со Лагуно уджяла. И сыр амарэ дада на полэна, со амэнгэ адай шукар, со амэ адай сыклёваса, со амэ манушэнца аваса.

Шаро. Нэ авэла, чявалэ, трэби и кэ свэнко тэ готовинэспэ.

Вано. Дрэ школа ласа репитировать.

Нюня и Вано. Адай фэдыр! Адай ласа!..

Шаро. Высыклякирдэ гилы: „Одой, адай выбариям“?

Сарэ. Высыклякирдям!

Шаро. Нэ тэрдёнте екх пашыл екхэстэ, сыр прэ сцэна.

Сарэ сыгэс тэрдёна дрэ рядо.

Шаро. Нэ сарэ. (*Сыкадя вастэса*).

Сарэ. (*багана*). Одной, адай выбариям,

Сыр саструнэ амэ.

Аваса пэrvонэнца

Амэ дрэ марибэ.

Сам манула амэ тэрнэ,

Амэндэ бут зорья.

Ко станки сам амэ тэрдэ

Амэн бут дрэ гава.

Пхураныпэ сы розмардо,  
Нанэ пхураныпэ.  
Бутитка акана кэрдэ  
Саро о нэвипэ.

Э карэдын амэнца сы,  
На трашавэла марибэ.  
Сарэ светостыр дрэ гэрой  
Проджяла тэрныпэ.

## ПАТРИН ТРИТО

Дрэ фэлда. Шатра. Пашыл шатра бэшлэ чяёри Мотря, паш лагэ  
пашло и гинэла лылвари Лагуно. Сарэ дуй мэлалэ и обрискирдэ.

*Мотря (пирикэдэла дро васта фэлдытка цвэты  
и багала).*

Пашо вэш дрэ чиндлы шатра.  
Мири дай ман бияндя.  
Лав дья ёй мангэ Мотря,  
Бахтори-ж ёй на дья.

Пиро фэлды мэ лодава,  
Покамыём рэки и о вэша.  
Ко зумаибэн дро гав прастава,  
Набут сы мангэ бэрша.

Пиро фэнштры зумавава  
Э гадженгэ про патря,  
Сыр мири дай мэ хохавава,  
Пятяна мангэ о гаджя.

Дад миро нанэ кофари,  
Тэ джял дарэла прэ чёри,  
Нэ баро сус матымари,  
Хасиём мэ тэрнори.

Лагуно (*отрискирлапэ гиныбнастыр*). Чюрдэ тэ  
багас, Мотре! На кэрлапэ мангэ адая гилы. Пхаро  
мангэ.

Мотря. А ту чюрдэ тэ гинэс. Дад тыро розрискирдя  
лылвари, удыкхэла и адая розрискирла.

Лагуно. На розрискирла. (*Гаравэла лылвари тэло  
гад*). Эх, Мотре!.. Кицы миштыпэ сы дро лылваря!  
Ваш саро лэса тэ джинэс. Дад миро одова акана  
на джинэл, со мэ джином. Мэ джином катыр авнэ  
чергэня. Кицы сы прэ свэто строны... Эх, сыр  
мангэ камэлапэ тэ сыклёвав и тэ сыклёвав. Эх,  
Мотре, сыр шукар амэндэ сус дрэ школа. Чяворэ  
лаче. Одой амэ сыклым, кхэлдым, багандям. Шу-  
кир сус!..

Мотря. И чяёрья сыклёна одой?

Лагуно. И чяёрья. Исы адасавэ чяёрья, савэ фэдыр  
чявэндыр сыклёна. А стихи кицы мэ джиндём. Ох,  
бут! А акана мэ лыём тэ забистрав.

Мотря. А нэ зрипир, саво тэ на яви.

Лагуно. На камэлапэ.

Мотря. Серёга, взрипир.

Лагуно. Мангэ пхаро лэн тэ взрипирэв. Коли мэ  
взрипирава стихи, то мангэ дрэ якха тэрдэ школа  
чяворэ, сыклякирибнаскири.

Мотря. А ту закэр якха.

Лагуно Нэ и сабнытко жэ ту! Нэ шукар!.. Проги-  
нава стихи, савэ мэ гиндём прэ амари бельвель.

Сыр дживэна рома?  
Со ромэндэ исы?  
Упрэдыр —  
Болыбэн чергэнэнца,  
Тэлэдыр —  
Рэки, пхув э брэзэнца,  
А дро пэр шылыпэ.  
Чяворэ чёrorэ,  
Росчидэ, насвалэ,  
Шутькирды  
Лэн сыр чяр вырискирла.  
Ни мурша, ни джювля  
На багана гия...  
И барьяса годяса пхуро  
Ублядя о шэро:  
— Вымэрэна рома!..  
А машкир —  
Баро свэнко сарэндэ:  
Рада псирла прэ гаса,  
Выдыкхэла сарэндыр вэнглэндыр.  
Со ж на джяна прэ рада рома?  
Ром!  
Ушун нэви глос.  
Ёй кэ бахт приктарэла ромэн.,  
Ёй кхарэла сарэн  
Замардэн



Манушэн,  
И дрэ пэскири семья бутитко  
Ёй прилэла ромэн,  
Сыр пшалэн пэскирэн.  
Бут ромэн  
Уж дрэ латэ вгынэ.  
И шунэнте сарэ,  
Со ракирна ёнэ:  
— Мэ хасёл пхурано джиібэ.  
На камас тэ псирас э шатрэнца  
Амэ семья нэви галыям,  
И буты манушытко  
Дрэ латэ латхьям.

Мотря (*ровэла*).

Лагуно. Ту со ровэса?

Мотря. Ту окэ азбука джинэс, гинэса, а мэ нисо на джином.

Лагуно (*дыя гондя*). Окэ со, Мотре. Бут думинава мэ, сыр бы тэ упростас фэлдатыр. Камэланэ мангэ тэ рисёвав дрэ школа. Тэ на джином сыр одорик тэ прокэдавпэ. Трэби ловэ прэ саструно дром.

Мотря. Манушэндэ прэ станцыя тэ помангэс.

Лагуно. Мотре! А ту кокори камэс тэ сыклёс?

Мотря. Мэ? Камам, а кон ман тэ сыклякир лэла?

Лагуно. (*приурняндя радатыр*). Джинэс, Мотре упростас? Дуйджинэ амэ на хасёваса прэ дром. Докэдасапэ жыко школа и кхэтанэ тэ сыклёвас ласа.

Мотря. Мэ азбука на джином. Тэ кон одой амэн  
лэла тэ чяравэл?

Лагуно. Ваш адава ту на думинэ. Мануша саро кэрна.  
Ту пхэн, камэс тэ уджяс адалэ бибахталэ штэ-  
тостыр?

Мотря. Дрэван камам!

Лагуно. Нэ и шукир. (*лэла ла пало псико*). Адыкэ  
буг тэ думискирэс на трэби. Ададывэс амэ и  
уджяса. Жыко станцыя доджяса прэзал, а одой  
мэк амэн родэна.

Мотря. Трэби мароро тэ лэс про дром.

Лагуно. Адава амэ подумискираса, со тэ лас пэса.  
Подуминаса сыр и тэ упрастас, собы никон амэн  
на удыхья...

Мотря. А ту ман про дром на чюрдэса?

Лагуно. Со ту? Ту тольки кокори палэ на дэпэ.

Мотря. Джинэс, Серёга, мэ лава саро дром гилы тэ  
багав, савьякэ ту ман высклякирдян. Ёй зор сави  
то дэла.

Лагуно. Нэ, сбагас ла?

Мотря и Лагуно (*тховэна екх екхэскэ васта про  
псикэ и багана*).

На адыкэ тэ дживас  
Амэ ласа,  
Николи вашэ буты  
На бистраса.  
Тэ бикнас, тэ парувас  
Грэн на джяса,

Никонэскэ про патря  
На зумава са.  
Дро лыла сыклёс сарэ  
Амэ ласа,  
Нисави амэ буты  
На дараса.  
Сыр сар амэ аваса  
Бутяренца,  
И Советско годявэр  
Манушэнца.

## ПАТРИН ШТАРТО

Прэ станцыя. Насвало Лагуно пашло пашыл ванта. Мотря кхэлла  
тринскирла псикэнца и мангэла ловэ гаджэндэр.

Мотря. Дай копеечку, дай копеечку. Хлебушка дай...  
Прохожий (*проджяла на рақири*).

Мотря. Никон нисо на дэла. (*Поджялг и бэшэла  
пашыл Лагуностэ*). Виндырья дукхана, тэ хас адыкэ  
камэлапэ. Ой сыр камэлапэ! Мэ бы схавас сари  
адаё станцыя... и длэнгэс ли амэ ласа тэ джяс.

Лагуно. (*насвалэ глосяса, тихэс*) Пандж барэ форья  
инке ачнэпэ, а одой и амари школа.

Мотря. (*дэла гондя*). Пандж форья? Ох сыр инке  
бут! Ой сыр камэлапэ тэ хас! (*Чилгэла пэр*). Ой,  
дукхала, ой дукхала. (*Ровэла*). И палсо мэ гыём?..

Лагуно. Пириячь тэ ровэс! Амэнгэ адай пхаро, а одой  
авэла шукар. Набут ачъяпэ. Бутыр прогыям.

Мотря (*пирдал ясва*). Пандж форья! Уж парнэ матхья урняна. Мануша дрэ постына уридэпэ, а ту ракирэса инке пандж форья тэ проджяс. (*Ровэла*).

Лагуно. Мотря, пириячы! Мандэ шэро дукхала, о гэра на псирна хачёла саро мандэ, и то на ракирава... Насвало мэ саро...

Мотря. (*екхатыр*), А нэ ка ту мэрэса адай прэ станцыя? Со мэ лава тэ кэрав?.. Мэ на джином катыр мэ джява, кай мири дай.

Лагуно. А палсо лэн тукэ бутыр тэ джинэс? Амэ джяса кэ нэво джиибэ! Полэса, Мотре, нэво джиибэ авэла, а амарэ дада камэн пхурано джиибэ. Палсо амэ джяса палэ?..

Мотря. (*камэл тэ ровэл*). А карик мэ джява? Тыри школа мэ на джином. Кай ёй сы?..

Лагуно. (*дорэсэла лылвалори и камэл тэ чинэл*). Мэ тукэ адресо школакиро чинава.

Мотря (*зарундя*).]

Лагуно. Чюрдэ тэ ровэс! Нэ со ровэса!..

Мотря. Сыр мэ прогинава адресо. Мэ на джином тэ гинав. Хасёвава мэ!...

Лагуно. Дрэ адава и бидыца тыри. Саро джиибэ тутэ авэла —менька, коли тэ гинэс на высылёса.

Мотря. Серёга, на насвалёв. Высастякирпэ... Мангэ трашано авэла би тыро.

Лагуно. А ту на думинэ, со мэ насвало.

Мотря. Сыго ли амаро поезде авэла? Ой, сыр на камэлпэ тэ дужакирэс.

Лагуно. Ту кокори шундяң, мануша ракирдэ, кэ  
бельвель авэла поездо.

Мотря. Ой сыр длэнгэс тэ дужакирэс!.. Ой, вин-  
дырья дукхана.

Лагуно. Чюрдэ тэ ракирэс!

Мотря. А-ту на камэс тэ хас?

Лагуно. Камам, а на ракирава...

Мотря. Серёга, ту ракирэса, со коли мэ высылкё-  
вава, то авава инжэнероса. А со кэрла инжэнеро?

Лагуно. Инжэнеро?! Прэ савэ инжэнеростэ тэ сук-  
лэс лэса... Инжэнеры сы разна. Сы инжэнеры, савэ  
кэрна кхэра, мосты, машины.

Мотря. Джинэс, конэса мангэ камэлапэ. тэ авав  
Мангэ камэлапэ манушэн тэ састякирав.

Лагуно. Ваш адава трэби прэ састыпнаскирэстэ тэ  
сыклёс.

Мотря. Коли мэ тэ авав састыпнаскирэса, мэ бы тут  
екхатыр высастякиравас бы, на дараваспэ, со ачя-  
вапэ екхджины. А то мэ дарава, со ту мэрэса.  
(Камэл тэ заровэл).

Лагуно. Пириячь тэ ракирэс! На камам мэ тэ шунав  
тут, со мэ насвало.

Мотря. Нэ на лава, на лава. (Бэшэла пашылыдыр ко  
Лагуно). Шылало сыр!..

Лагуно. Эх, Мотре, только тэ докэдаспэ жыко школа,  
шукир амэнгэ авэла.

Мотря. (зальджяла, багала ласа и Лагуно).

Шатра рискирды прэ фэлда,

Бокхало джиибэ.  
Тэ нашэс криго трэби,  
Нанэ адай лодыпэ.

Лагуно. На мэкья ман дад дрэ школа,  
На мэкья тэ сыклёвав,  
Нэ а мангэ камэлапэ  
Дрэван саро тэ уджинав.  
Тэ уджинав, катыр балвал сы,  
Состыр пэрна ива,  
Савэ прэ свэто сы строны,  
Савэ прэ пхув мануша,

Мотря. Чёрори мэ, чёрори мэ,  
Мэ на джином тэ гинав,  
Ман дрэ школа ман прилена.  
А мэ камам тэ сыклёвав.

Лагуно. Ту, дылынинько, на ров.  
На авэса чёрори.  
Тэ сыклёвас, Мотре, джяса  
На пэр дёса. Ничи!

Лагуно. и Мотря Нэ окэ сыр амэ доджяса  
Жыко форо баро,  
Бэдэ гаспря нанэ амэндэ  
И котэр нанэ маро.

Мотря. Галёв барэ сы ада форо  
И трашано исы тэ джяс.  
Прилена ли амэн дрэ школа,  
Кай амэ ласа тэ дживас.

Лагуно. Ту на дар, Мотре, Мотре, на дар.  
Саро обжялапэ шукар,



А одорик амэ аваса,  
Амэ аваса хоть прэзал.  
Ту на джинэс савэ радаса  
Прилёна чяворэ амэн.  
Галёв ту, Мотре, на джинэса  
Сыр тэ дыкхав камам мэ лэн.

Мотря. Лагуно, лэн мэ на джинава.  
Нэ тэ дыкхав дрэван камам.  
Авэн жэ сыгыдыр дрэ школа,  
Сыр ту камэса, хоть прэзал.

Лагуно и Мотря. О дром баро на трашавэла,  
Нанэ амэндэ со тэ хас.  
Нэ сыг ко чяворэ аваса.  
Аваса! И тэ сыклёвас.

## ПАТРИН ПАНДЖТО

Дрэ школа. Пашыл Пашатэ скэдынэпэ чяворэ: Катя, Шаро, Ньюня  
и ваврэ.

Паша. Чявалэ, сарэ скэдынэпэ?

Ньюня. Сарэ, сарэ!..

Катя. Ванос нанэ!

Шаро. Со ёв на джинэл, со амэнгэ трэби тэ выджяс.

Ньюня. Ёв сыс адай!..

Паша. Карик ёв угыя? Чявалэ адякэ нашты! Амэ ба-  
нгэ шукар тэ скхэлас. Рипирэна пэрво маё, Катя  
стихи забистырдя, Шаро на высклякирдя гилы.

Шаро. На дар акана. Чяворэ на подлыджяна.

Паша. Нэ карик жэ угыя Вано. Амэндэ инке нанэ порядко. Никон һа банго тэ уджял.

Нюня. Мэ джява, породава. (*Прастала прэ Ваностэ*).

Вано. (*впрастала радаса*). Чяворалэ!.. (*Прастаибна-стыр на могискирла тэ йхэнэл*).

Шаро. Окэ ёв!..

Катя. Кай ту хасиян?

Ваңо. (*радаса*). Чявалэ! Лагуно авья!..

Сарэ. Со ту?!

— Хохавэса!

— Кай ёв?

— Лагуно азья?.

— Хохавэла Вано.

Вано. Пионероскиро лав, авья!..

Паша. Подужакирэнте, чявалэ! (*Кэ Вано*). Кай ту дыкхьян Лагунос?

Вано. Адарик джяла!..

Сарэ. (*чюрдэнапэ кэ порта*). Прастас, чявалэ!

Лагуно. (*вджяла*).

Сарэ. Ура!..

Паша. Катыр ту? Дадэса авьян?..

Лагуно. Упрастандыём?..

Катя. Саво ту обрискирдо...

Нюня. Мэлало...

Лагуно. Мэ на екхджино. Яндём чяёрья тэ сыклёл. (*Кхарла дрэ порта*). Мотре, вджя адарик!

Мотря. (*ладжявэс джяла*).

Лагуно. Мотряса кхарна. Фэлдытко ёй.

Паша (*радага*). Окэ шукар, со авьян дрэ Октябрыска свэнки. Амэ прэ сцэна джяса.

Нюня. Со ту сыр муло парно?..

Лагуно. Мэ? Мэ мыёмас дромэса. Занасвалыём. Ваш саро мэ инке роспхэнава.

Шаро. (*Кэ Мотря*). А ту камэс тэ сыклёс?

Мотря. Коли на камьём бы, то на упраставас бы Лагуноса. Тэ окэ мэ инке азбука на джином.

Шаро. Нисо, Мотре, на дар. Амэ тут на чюрдаса.

Паша. (*Кэ Лагуно*). Амэ акана „Интэрнацыонало“ джинаса. Пэrvонэса номэраса ласа тэ багас.

Шаро. Чявалэ, со жэ амэ на шукар встретиנדям Лагунос. Трэби амэнгэ тэ скхэлас.

Сарэ. Чячё, чячё!..

Скхэласа, скхэласа!..

— Выджя, Шаро!..

— Катя лэса скхэлла.

— Катя скхэлла.

Кхэлна Катя и Шаро. Чяворэ кхарна тэ скхэлэс Ванос.

Нюня. А нэ Лагуно, выджя!

Шаро. Мотряса скхэл!

Катя. Мотре, сыкав кхэлыбэ!

Мотря ладжявэс выджяла и кхэлла Лагуноса. Лэн спарувэна ваврэ чяворэ.

Паша. Чявалэ, авэла тэ кхэлэс. Трэби тэ выджяс прэ сцэна.

Ш а р о. Вано, лэ барабано!

П а ш а. Тэрдёнте!

Сарэ сыгэс тэрдёна екх палэ екхэстэ.

Мотря. (*кэ Лагуно*). Серёга, а мэ карик?

Лагуно. Ту амэнца джяса. Тэрдёв!

Мотря тэрдёла палал сарэндыр.

П а ш а. Чявалэ, рипирэнте сарэ шукар пэскирэ стихи.

С а р э. На дар!

— Нэ авэнте!

— Тыкныдыр ракирэнте!

— Сыгыдыр явэн!..

П а ш а. Авэнте!

В а н о. Марла дро барабано.

Сарэ уджяна екхэ палэ екхэстэ.

## ПАТРИН ШОВТО

Прэ спэна выджяна сарэ чяворэ екх палэ екхэстэ. Вано англыдыр, марла дрэ барабано. Палгл сарэндыр джяла Паша. Тэрдёна дро рядо муеса кэ мануша.

П а ш а. Пионеро, яв прэ стрэга!

С а р э. Сам тэрдэ!

В а н о. (*марла трель дрэ барабано*).

С а р э. (*багана „Интэрнационало“*).

Сарэ уштэн сарэсвэстостыр

Затрадынэ и бокхалэ!

Хачёла э-годы холятыр

Тэ джял камэл дро марибэ.  
Саро о-свэто розмараса  
И хаськираса киркипэн,  
И кхэтанэ нэво тховаса  
Екх бутяритко джиибэ.

Адава сы свэтытко  
Зорало марибэн,  
Интернационало  
Газдэла замардэн.

Амэнгэ дром на сыкавэла  
Ни мурш, ни крали, ни дэвэл.  
Зор амари амэнгэ дэла  
Лаче бутитко джиибэ.  
Счюрдаса беда, бокхменькаса  
И джиибэн затасадо.  
Хачёв жэ горно, мар зорьяса,  
Коли састэр сы хачькирдо.

Адава сы свэтытко  
Зорало марибэн,  
Интернационало  
Газдэла замардэн.

Амэ-екх армия бутитко.  
Сарэсвэтытко и бари  
Амэнгэ пхув сарэсвэтытко,  
Нэ барвалэнгэ жэ ничи.  
Коли карэдыня газдэна  
Прэ барвалэндэ чёрорэ,

Тэ татькирэл о-кхам авэла  
Ваш бутяренгэ пхув сари.

Адава сы свэтытко  
Зорало марибэн,  
Интэрнационало  
Газдэла замардэн.



## Авторэндыр.

Дрэ адая пьеса гынэ гия ваврэ авторэнгирэ  
Безлюдско, М. — „Пашо вэш дрэ чиндлы ш тра“  
кхэлыбнастыр „Атася и ададывэс“, Г. Лебедево —  
„Сыр дживэна рома“, Н. Дударова — „На адякэ  
тэ дживас“.

Ваврэ гия чиндлэ авторэнца адалэ пьеса.

Редактор *Дударова*. Техред. *М. Лойтерштейн*. Сдано в производство 15/XI-32 г. Подписано к печати 17/XII-32 г. Инд. ДН-7. М. Г. № 2508. Фор. бум.  $72 \times 105\frac{1}{32}$  68544 зн. в 1 п. л.

Уполн. Главлита В-24917. Заказ 1422. Тираж 1000.

17-я тип. треста „Полиграфкнига“, Москва, Шлюзовая наб., 10.

1911  
1912  
1913

1914

1915

1916

1917

1918

1919

1920  
1921  
1922

Тимин 25 гаспря  
Цена коп.

3012

Цыг.  
2.82

---

А. Герман и О. Панкова  
**Сергеа Лагун**

---

На цыганском языке



Молодая Гвардия  
Национальный сектор  
Москва, Новая площадь, 6/8